

者必多難也語曰古者言之不出恥躬之不逮是也言不妄發懼失信也易若爲難恐無成也惟其難之故終無難也

其安易持章第六十四

其安易持其未兆易謀其脆易破其微易散爲之於未有治之於未亂合抱之木生於毫末九層之臺起於累土千里之行始於足下爲者敗之執者失之是以聖人無爲故無敗無執故無失民之從事常於幾成而敗之慎終如始則無敗事是以聖人欲不欲不貴難得之貨學不學復衆人之所過以輔萬物之自然而不敢爲

安而持之則易危而持之則難事未萌而謀之則易既成而

道藏輯要

道德下經釋辭

堯

心集九
八又三

謀之則難脆薄而攻之則易堅實而攻之則難微細而散之則易盛大而散之則難善治事者防之於未然之先善治亂者治之於未亂之始易曰履霜堅冰至蓋言漸也既知得履霜爲堅冰之始有事者甯不謹其始乎然而合抱之木必自萌芽而生九層之臺必自勺土而起千里之行必自一步而始此言天下之事自近而至遠由粗而達精之意也夫有成必有敗有得必有失是以聖人無心於爲故無敗事無心於執故無失也而人常昧於幾妄爲執著或成而敗之或得而失之蓋其不能謹其始是以不能善其終也若能慎終如始無執無爲則無敗無失也是以聖人所欲難得之

貨人之所大欲也聖人不欲之者蓋以外物有執則有夫不欲之則不被外物所誘也不學人之所學眾人務學其事益其見聞求於外以喪其內眾人之過也聖人以無學爲學而無所不知以復眾之過也慎終如始無執無爲佐理萬物以任其自然不敢強爲之也

古之善爲士章第六十五

古之善爲士者非以明民將以愚之民之難治以其智多以智治國國之賊不以智治國國之福此兩者亦楷式常知楷式是謂立德立德深矣遠矣與物反矣然後乃至大順

古之善治國者不以昭昭之明察察之智以示其民但敦樸

道藏輯要

道德下經釋辭

李

心集九
×××

其風淳厚其俗而教養之則民亦怡怡其心熙熙其志無願無慕以安其分則上下同德以洽雍熙之化也民之難治者良由在上之人任智術尚權力民心懷疑是以難治也孟子曰所惡於智者爲其鑿也治國者若以私智治民則民亦以私智奉上上下相窺各求其利國之賊也不任智術惟以道德撫民則民亦感化而懷其德上下攸安國之福也夫用智則民亂不用智則民安此兩者大中正之法式也常守其法而不失其德立矣而播於遐方自然近悅遠來而歸化也噫眾人以私智自利聖人以大智利人與人相反然後始知聖人爲無我故可以造乎正大和順之域而爲民之司牧古